

**-UPRAVNI ODBOR-**

Broj: 02-33-7/25

Sarajevo, 09. 12. 2025. godine

Na osnovu odredbi člana 2. stav (1) alineja 9. i stava (2) Zakona o pečatu Kantona Sarajevo (prečišćeni tekst) („Službene novine“ Kantona Sarajevo broj: 3/09) i Zakona o izmjenama i dopunama Zakona o pečatu Kantona Sarajevo („Službene novine“ Kantona Sarajevo broj: 36/15), člana 59. Zakona o visokom obrazovanju („Službene novine Kantona Sarajevo“, broj: 36/22 i 28/25) i odredbi članova 8 -10. Statuta Univerziteta u Sarajevu, broj: 01-1093-3-1/18 od 28. 11. 2018. godine sa pripadajućim izmjenama i dopunama, broj: 01-13-121-1/24 17. 07. 2024. godine i broj: 01-14-19/25 od 26. 11. 2025. godine, Odlukom Senata Univerziteta u Sarajevu, broj: 01-9-129/25 od 16. 07. 2025. godine, kojom je usvojena Knjiga grafičkih standarda Univerziteta u Sarajevu i Zaključkom Senata Univerziteta u Sarajevu, broj: 02-14-104/25 od 26. 11. 2025. godine, Upravni odbor Univerziteta u Sarajevu je na svojoj 43. redovnoj sjednici održanoj 09. 12. 2025. godine, *usvojio*

**IZMJENE I DOPUNE UPUTSTVA
O NAČINU IZRADE, NAMJENI I UPOTREBI, ČUVANJU, EVIDENCIJI I
UNIŠTAVANJU PEČATA, SUHOG ŽIGA I PRIJEMNOG ŠTAMBILJA
UNIVERZITETA U SARAJEVU**

Član 1.

U članu 2. stav (1) i stav (2) Uputstva o načinu izrade, namjene i načina upotrebe, čuvanja, evidencije i uništavanja pečata, suhog žiga i prijemnog štambilja Univerziteta u Sarajevu, broj: 02-24-6-1/21 od 26. 07. 2021. godine (dalje u tekstu: Uputstvo), koji glase:

- (1) Univerzitet u Sarajevu ima pečate koji su okruglog oblika, prečnika 30, 40 i 60 mm, sa tekстом „Univerzitet u Sarajevu“, a u sredini pečata je stilizirano pročelje zgrade Univerziteta.
- (2) Organizacione jedinice Univerziteta imaju pečat okruglog oblika prečnika 20, 30 i 50 mm, sa tekстом u prvom koncentričnom krugu „Univerzitet u Sarajevu“, ispisanim velikim slovima, u drugom koncentričnom krugu tekst naziva organizacione jedinice ispisane velikim slovima, a u sredini pečata je stilizirano pročelje zgrade Univerziteta.

Mijenjaju se i sada glase:

- (1) „Univerzitet u Sarajevu ima pečate koji su okruglog oblika, prečnika 30, 40 i 60 mm, sa dva koncentrična kruga. U prvom, vanjskom krugu je tekst „UNIVERSITAS STUDIORUM SARAIEVOENSIS“ i „UNIVERZITET U SARAJEVU“, a u središnjem dijelu amblem Univerziteta – stilizirano pročelje zgrade Univerziteta.
- (2) Članice Univerziteta imaju pečat okruglog oblika prečnika 20, 30 i 50 mm, sa tekстом u prvom koncentričnom krugu naziv članice na službenom i engleskom jeziku ispisanim velikim slovima, u drugom koncentričnom krugu je tekst „UNIVERSITAS STUDIORUM SARAIEVOENSIS“ i

„UNIVERZITET U SARAJEVU“, a u središnjem dijelu amblem Univerziteta – stilizirano pročelje zgrade Univerziteta.“

Član 2.


Riječi „organizacione jedinice“ u ovom Uputstvu mijenjanju se sa riječju „članice“.

Član 3.

Izmjene i dopune ovog Uputstva stupaju na snagu danom donošenja i objavljuje se na internetskoj stranici Univerziteta i članica.

**PREDSJEDNIK
UPRAVNOG ODBORA**

Dr. sc. Murat Ramadanović



Broj: 02-33-7/25

Datum: 09. 12. 2025. godine